

◆ Cuvèni n con' dl patrimone culturel

L Museum Ladin Ciastel de Tor nveia ai 1. de merz dala 13.30 nchin ai 2 de merz dala 13.00 tl Palais Widmann a Bulsan, Plaza S. Magnago 1, al cuvèni "L patrimone culturel nia materiel danter la nrescida y la retuda, na ndesfideda per i museums?"

L cuvèni, metù a jì n ucajian dl proiet trans-

naziunel E.C.H.I. etnografies talianes-svizeres per l patrimone nia materiel, va a fonz y se paradlea sun la pratighes desferèntes de documentazion y trasmiscion dl patrimone culturel nia materiel.

N particulèr ti vâl permez ala ndesfideda che i bëns nia materiei nes dà cun chèles che i museums ie cherdei a se cunfrunté: a) tla nrescida y tla nventarisazion dl patrimone culturel nia materiel; b) tla relazion cun la retuda de nfirmazions ala cumenanza y ala nuzeda di cuntenuc da pert dl publich di museums. L cuvèni vèn metù a jì dal Museum Ladin Ciastel de Tor (partner ufiziel dl proiet E.C.H.I.) n cunlaurazion cun l' EVAA Assoziation Antropologica Südtirol.

